

見形證治

痘瘡之期始於見點從見點而數之期止七日七日之內如花之始蕾而發也其氣日盛以出七日之後氣歛而花謝矣故服藥者當於七日之內日夜連服毋或姑息苦之以七日所以全之於百年人不知此而惟務姑息七日之外服無益矣予嘗謂痘毒之在血氣譬若糠粃之在米也惟血氣充足運轉迅急若篩米然運轉不停則糠粃不混於米而騰起浮聚自作一團血氣充足周流則毒不滯於榮衛之中而自然收斂以成瘡故痘瘡及時貫膿未嘗爛肌損肉只

是將皮肉紅色毒氣收貯窠囊而已其有日久纔發
臭爛者此皆變證而非本然如此也今舉世以食物
發痘而不知其本無益也惟服補氣血藥以助其運
行推出之勢可也

發熱三日之後熱退身涼大小不等作三次出淡紅
色如水珠光澤者不須服藥 凡痘子出現疎則毒
輕不可妄治密則毒甚却要磊落大小分明不相粘
連略與托裏解毒之劑快斑湯消毒飲主之使之易
發易靨如出太密粘連糳糊其毒尤甚托裏解毒之
劑宜多飲之以防癰塌黑陷之變更察外證可治則

治不可則勿治 凡痘子出形皮肉如常根苗明潤
此毒輕也不可妄治如皮肉昏黑或赤腫根苗乾枯
青紫或灰白者此毒甚也以消毒飲奪命丹合服
快斑湯

人參 伍分

當歸

防風

木通 各壹錢

甘草 叁分

木香

紫草

蟬蛻 各貳分

右剉細水一盞煎七分去渣溫服不拘時

消毒飲

牛蒡子

連翹

甘草

綠升麻

山豆根

紫草

各等分

右剉細水

盞煎七分去渣溫服不拘時

奪命丹

麻黃

升麻

各等兩

山豆根

紅花子

大力子

連翹

各貳錢半

蟬蛻

紫草

各壹錢半

人中黃

叁錢

右研細末酒蜜和丸辰砂爲衣薄荷葉煎湯下

凡痘子之出最要唇潤舌潤紅鮮如常其毒則輕如

唇焦破裂舌燥有芒爲毒火太甚表裏鬱遏急宜解

之黃連解毒湯加大力子

黃連解毒湯 煩躁

發熱一二日便出如纔發一二日間痘便一齊湧出

者須問其曾數日前有熱否如曾數日前乍熱乍涼以過期論惟原未發熱至今纔熱便斑現此表氣虛毒氣盛榮熱衛弱腠理不密肌肉不堅不能約束於外使毒氣衝擊故出六驟也宜用實表之劑可以無癢塌無潰爛實表解毒湯主之 一方用羌活散調紫草膏或保嬰丹加紫草牛蒡子蟬蛻與服熱盛不退以羌活散調退火丹進之另用燈草木通蟬退地骨皮煎湯候冷服此用發表之劑與表虛衛弱之說

背馳蓋亦有初發熱時見表證失於解散實熱壅遏而怒發者此法猶可施也然得全者鮮矣
實表解毒湯

黃耆

人參

當歸稍

生地黃

白芍藥

地骨皮

甘草

酒片苓

柴胡

玄參

升麻

右剉細加薄荷葉少許淡竹葉拾片水煎溫服無時

桔梗

甘草節

荊芥穗

牛蒡子

防風

當歸尾

赤芍藥

天花粉

黃耆

玄參

連翹

前胡

木通

水煎服

青地退火湯

治痘帶熱而出名爲火裏苗急用此

方以退其熱則後無青黑變陷之候

地骨皮

地膚子

各壹錢

牛蒡子

紫草

葛根

各捌分

連翹

陸分

當歸 伍分

木通 叁分

蟬退 貳分

加薑一片水煎服如熱不退再服一劑或爲末

燈心湯服

羌活散

本門初熱

保嬰丹

本門預防

退火丹

即六一散加生一黃
纏豆藤口元初熱

發熱四五六日始出

如發熱四日至五六日後始出

者須審視曾有外感內傷否蓋傷風寒傷食之熱久而不去則所蘊瘡痘之毒亦能乘間而出不可以過期論惟無內傷外感之因一向熱而不出此裏氣虛不能驅逐其毒使之即出而毒邪得以留連停伏於

臟腑腸胃之間宜先用托裏之劑令其快出次以和中之劑多服之可以無伏無陷無倒靨托裏宜托裏快癰湯或十宣散和中宜四君子湯加黃耆或保元湯合勻氣散主之

托裏快癰湯

當歸

黃耆

川芎

木香

青皮

牛蒡子

紫草

連翹

木通

防風

桂枝

蟬蛻

右剉

煎溫

無時

十宣散 一名十奇散 一名托裏十補散

黃耆

人參

當歸 各錢

厚朴

薑製

桔梗

各錢

桂心

參分

川芎

防風

甘草

白芷

各錢

右為細末每服一錢或二錢木香湯調下

增損八物湯

人參

黃耆

白朮

甘草

當歸

川芎

牛蒡子

炒

赤芍藥

防風

荆芥穗

連翹

桔梗

葛根

右用水煎服

勻氣散

木香

青皮 各伍錢

山查肉 貳錢半

右爲細末每服一錢甘草湯調服

應出不出

痘疹之出自有常期如過期應出不出有

數證不同不可不辨如內素實之人皮厚肉密毒氣難於發越一旦恃其體厚不怯風寒又爲外邪所襲或體素弱者風寒易感以致腠理閉密氣血凝澀故

應出不出也其證頭痛四肢拘急俛倚蓋覆常惡風

寒此類宜發之氣強者用雙解散氣弱者用參蘇飲

或惺惺散俱初熱或內虛者脾弱食少宜用補脾之劑

加行氣發表藥四君子湯不能食調元湯即參耆飲並

加木香青皮黃耆桂枝或臟腑自利宜用溫裏之劑

黃耆建中湯腹痛益黃散脾並與奪命丹合進利未

止者豆蔻丸泄利合進蓋裏溫則氣不消削氣不消

削則不陷伏矣若依上法分治猶不出者此毒壅伏

於三焦不久而變生焉

加減參蘇飲

人參

紫蘇葉

葛根

陳皮

前胡

白芷

桔梗

枳殼

甘草

羌活

防風

右用竹葉為引熱服

加減調中湯

人參

白朮

黃耆

甘草

炙

木香

桂枝

白茯苓

藿香

白芍藥

酒炒

陳皮

在用生薑爲引煎服

聞人氏槐云是痘疹證熱數日而不發見者進退皆難便欲大發之懼其本種而成癰爛不發之又無以出其毒氣古人立論始以藥微發之微發不出則加藥加藥不出則大發之大發之後所出不多氣候和平無他證者卽是瘡本稀不可更發也以此言之發不至太過守不至不及乃用藥之圓活也愚按古方用發表者升麻葛根湯輕劑也惺惺散重劑也謂微發謂加藥者或先用輕劑後用重劑或只用本劑先小作湯少飲之後漸加大多飲之非謂於本方之外

再加辛熱大發之藥也

凡痘疹過期應出不出者或因外感風寒依上發表之法或因內虛泄瀉依上和中之法如按法調治猶不出快熱反甚大渴腹脹滿大便鞭結不通煩躁不安者此毒邪壅伏於內三黃丸七味升麻丸初熱擇而用之甚則三乙承氣湯主之大便秘聞人氏云且身熱脉數大便秘而腹脹此熱毒壅遏未見形狀者當微下之非微下則熱不減此是始者熱在裏癰未出之時也若癰點隱隱在皮膚中者是已發越在表瘡正發時則不可妄下也又有結膿窠痂疔之際脉尚

洪數能食而大小便秘此表已罷裏有熱毒宜微利之大抵臟腑有熱徃徃利大小便者以其主出而不內故也

張氏從道云瘡痘氣勻卽出快蓋氣勻則榮衛無滯勻氣之藥如桂枝防風荆芥穗薄荷葉所以行在表之氣而使之無滯也故凡發表之劑多用之木香青皮枳殼木通所以行在裏之氣而使之無滯也故凡和中之劑多用之又瘡出之時常宜和煖如三春發生之氣則氣血和暢自然其出快其發透其靨齊若偏於太熱則壯火食氣其氣反虛而不能行偏於太

寒則氣凝澀而不得行矣

痘瘡之證其初不免於發熱者未出毒邪在裏煎熬
氣血薰蒸臟腑而然瘡既現形則毒洩而熱解所以
瘡出熱退者瘡本必疎若瘡已出熱不少減此毒蘊
於中其勢方張其瘡必密宜急解其毒連翹升麻湯
加防風荊芥穗地骨皮或解毒防風湯大法加升麻
或東垣黍粘子湯本條兼服代天宣化丸預防服藥
之後瘡或不出或再出其熱頓減者爲氣和也熱若
不減瘡漸加多再消詳大小便何如大便不通七物
升麻丸初熱小便不利連翹湯小便不利小大便俱不通